

Aalisarnermit paasissutissat nassiuttarneri pillugu Namminersorlutik Oqartussat nalunaarutaat

Aalisarneq pillugu Inatsisartut Inatsisaanni nr. 18, 31.oktober 1996-imeersumi § 25 a aamma § 33 imm. 2 aamma imm. 3, kingullermik Inatsisartut Inatsisaanni nr. 12, 3. december 2012-meersumi allanngortinneqartoq tunngavigalugu, aalajangersarneqarpoq:

Atuuffi aamma nassuaatit

§ 1. Nalunaarut atuuppoq suliffeqarfinnut, Kalaallit Nunaanni aalisarnermik inuussutissarsiutigalugu ingerlaqartunut, tassunga atatillugu aalisariut atorneqartoq piumasaqaatit makku ilaanni ataatsimik naammassinnissimatillugu:

- 1) Aalisariutit avataani aalisarnissamut akuersissuteqartut.
- 2) Aalisariutit sinerissamut qanittumi kinguppannik aalisarnissamut akuersissuteqartut.
- 3) Aalisariutit sinerissamut qanittumi qaleralinnik aalisarnissamut angallammut akuersissuteqartut.

§ 2. "Aalisarnermit paasissutissat" nalunaarummi uani isumaqartinneqarput tassaasut tunisassiornermit naatsorsuuserinermillu paasissutissat, aalisariummut §-1-im i lanngunneqartumut, ilanngussaq 1-im aamma ilanngussaq 2-mi itinerusumik allattorsimasumut, tunngassuteqartut.

Aalisarnermit paasissutissat nassiunneri

§ 3. Suliffeqarfuit tamarmik § 1-im i laatinneqartut ukiut tamaasa kingusinnerpaamik 1. juni aalisarnermit paasissutissat akileraartarnermut ingerlatsivimmut nassiuttassavai, tassani ukioq aningaaasarsiorfiusup siulia tamakkerlugu aalisarnermit paasissutissat nassiuneqassallutik. Taamaattoq 2014-im i ukiut aningaaasarsiorfiusut 2011, 2012 aamma 2013 pillugit aalisarnermit paasissutissat nassiunneqassapput.

§ 4. Suliffeqarfiup suulluunniit § 1-im i laatinneqartup aalisariutaatini § 1, nr. 1 aamma 2-mi taaneqartut pillugit aalisarnermit paasissutissat immersugassaq ilanngussaq 1-imittooq atorlugu Akileraartarnermut Aqutsisoqarfimmum nassiutissavai. Immersugassaq kukkunersiusumit nalunaarsorneqarsimasumit imaluunniit naalagaaffimmit akuerisaasumit atsiorneqarsimassaq.

Imm. 2. Suliffeqarfuit tamarmik § 1-im i lanngunneqarsimasut aalisariutaatiminut tunngatillugu § 1, nr. 3-mi taaneqartut pillugit aalisarnermit paasissutissat, ilanngussaq 2-mi immersugassaq atorlugu, Akileraartarnermut Aqutsisoqarfimmum nassiutissavai.

Imm. 3. Aalisariutit § 1-im i ilaasut tamarmik immikkut immersugassamik immersuisimassapput, tak. imm. 1 aamma 2.

Imm. 4. Aalisarnermit paasissutissat nassiunnissaannut, qarasaasiatigut nassiunnissaat ilanngullugu, ilitsersuutitut najoqqtassat Aalisarnermut, Piniarnermut Nunalerinermillu Naalakkersuisoqarfiup aalajangissavai.

Pineqaatissiissutit

§ 5. § 3-mik, § 4, imm. 1-imik, § 4, imm. 2-mik imaluunniit § 4, imm. 3-mik unioqqutitsinerit, Pinerluttulerinermut Inatsimmi Kalaallit Nunaannut atuuttumi maleruagassat malillugit akiliisitsinermik malitseqarsinnaapput.

Imm. 2. Pinerluttulerinermut Inatsimmi Kalaallit Nunaannut atuuttumi maleruagassat malillugit inuk inatsisit malillugit akisussaatinneqartoq akiliisinneqarsinnaavoq.

Atuutilersitsineq

§ 6. Nalunaarut ulloq 25. august 2014-imi atuutilerpooq.

Namminersorlutik Oqartussat, ulloq 19. august 2014

Finn Karlsen

/

Jørgen Isak Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut